

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 427712 22 St
Tuzla, 05.12.2022. godine

Općinski sud u Tuzli, sudija Ilvana Delić, u stečajnom postupku nad imovinom dužnika **„COBRA-SECURITY“ d.o.o. Tuzla, za poslove fizičke i tehničke zaštite, transport i usluge, ul. Prve Tuzlanske brigade 3,** dana 07.06.2022. godine, donio je sljedeće:

R J E Š E N J E

I-OTVARA SE stečajni postupak nad imovinom dužnika **„COBRA-SECURITY“ d.o.o. Tuzla, za poslove fizičke i tehničke zaštite, transport i usluge, ul. Prve Tuzlanske brigade 3,** matični broj subjekta 1-6317, JIB. 4209389190005, broj glavnog računa 1321000309041814 otvoren je kod NLB banka dd Sarajevo.

II-Stečajni postupak se otvara sa danom 05.12.2022. godine u 14,00 sati, kada se rješenje o otvaranju stečajnog postupka ističe na oglasnoj tabli suda. Oglas o otvaranju stečajnog postupka objavit će se u „Službenim novinama F BiH“.

III-Za stečajnog upravnika imenuje se Almir Bajrić iz Tuzle, ul. Aleja Alije Izetbegovića 3B.

IV- Nalaže se stečajnom dužniku i trećim licima da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.

V-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ prijave svoja potraživanja stečajnom sudu dostavom prijave i priloga u dva primjerka u skladu sa odredbama Zakona o stečaju prijavi potraživanja (član 105. Zakona), te prilože dokaz o uplaćenju sudskoj taksi na prijavu potraživanja u iznosu od 1% od vrijednosti potraživanja, s tim da taksa ne može biti manja od 50,00 KM, niti veća od 10.000,00 KM, na žiro račun broj 1321000256000080, vrsta prihoda 722221, primalac Budžet Tuzlanskog kantona.

VI-Pozivaju se povjerioci da u roku od 30 (trideset) dana, od dana objavljivanja oglasa o otvaranju stečajnog postupka u „Službenim novinama F BiH“ stečajnog upravnika obavijeste koja prava osiguranja potražuju na predmetima imovine stečajnog dužnika. Potrebno je navesti predmet na kome se potražuje pravo osiguranja, vrstu i razlog nastanka prava osiguranja kao i osigurano potraživanje.

VII-Pozivaju se lica koja imaju obaveze prema stečajnom dužniku da ih bez odlaganja izvrše.

VIII-Otvaranje stečajnog postupka ima se upisati u sudski registar Općinskog suda u Tuzli, zemljišne knjige Općinskog suda u Tuzla, te kod Službe za geodetske i imovinsko-pravne poslove Tuzla.

IX-Skupština povjerenika (ročište za ispitivanje) na kojem će se ispitati prijavljena potraživanja zakazuje se **za dan ČETVRTAK 02.02.2023. godine u 09,00 sati**, u zgradi Općinskog suda u Tuzli, ulica ZAVNOBIH-a bb, **sudnica 137.**

X-Skupština povjerenika (izvještajno ročište) na kome će se na osnovu izvještaja stečajnog upravnika odlučiti o daljem toku stečajnog postupka **održat će se u ČETVRTAK 02.02.2023. godine**, na istom mjestu nakon ročišta za ispitivanje prijave potraživanja.

XI-Rješenje o otvaranju stečajnog postupka u cijelosti objavit će se na oglasnoj tabli suda, web-stranici suda – elektronskoj tabli suda, na internet stranici FIA-e, a u Službenim novinama F BiH objavit će se samo izreka rješenja.

O b r a z l o ž e n j e

Dana 07.07.2022. godine, predlagač **„COBRA-SECURITY“ d.o.o. Tuzla, za poslove fizičke i tehničke zaštite, transport i usluge, ul. Prve Tuzlanske brigade 3,** podnio je prijedlog za otvaranje stečajnog postupka nad imovinom dužnika ovim privrednim društvom iz razloga platežne nesposobnosti., temeljem odredbe člana 4 i čl. 6. Zakona o stečaju („Sl.novine F BiH“, br.53/2021).

Nakon razmatranja prijedloga sud je rješenjem od 25.07.2022. godine pokrenuo prethodni postupak radi utvrđivanja uslova za otvaranje stečajnog postupka i imenovao privremenog stečajnog upravnika temeljem odredbe čl. 60., 61. i 63. Zakona o stečaju.

Privremeni stečajni upravnik u spis suda dostavio je izvještaj o provedenom prethodnom postupku sa nalazom i mišljenjem na okolnosti postojanja razloga za otvaranje stečajnog postupka. Temeljem odredbe čl. 102 stav 1. Zakona o stečaju zakazano je ročište radi ispitivanja uslova za otvaranje stečajnog postupka i rasprave o izvještaju privremenog stečajnog upravnika na koje je pristupio privremeni stečajni upravnik i zakonski zastupnik dužnika.

Iz izvještaja privremenog stečajnog upravnika proizilazi da je društvo obustavilo aktivnosti iz osnovne djelatnosti u julu 2022. godine, a nakon blokade računa. Svi radnici društva su odjavljeni. Obaveze društva ukupno iznose 607.776,00 KM a odnose se na dugoročne kredite, dobavljače u zemlji i inostranstvu, obaveze po osnovu plaća i naknada plaća kao i kratkoročni krediti i ostale kratkoročne obaveze. Imovina koju društvo posjeduje sastoji se od 3 motorna vozila za koja su donesena rješenja o naplati porezne obaveze iz imovine društva od strane Kantonalnog poreznog ureda Tuzla. Pored putničkih motornih vozila društvo posjeduje deset komada vatrenog oružja kratke cijevi, MTS oprema, tv uređaj, receiver dojavnog centra, klima uređaj i dva računara. Imovine u vidu nekretnina društvo nema.

Realno stanje obaveza utvrdit će se u toku trajanja stečajnog postupka a nakon podnošenja prijava potraživanja povjerilaca.

Prema izjašnjenju privremenog stečajnog upravnika, društvo nema platežnu sposobnost, budući da ne izmiruje svoje obaveze u dužem vremenskom trajanju od 60 dana i da su mu računi u dužem vremenskom trajanju od 60 dana u blokadi, da nije u stanju izvršiti svoje dospjele obaveze plaćanja, te da su ispunjeni stečajni uslovi za otvaranje stečajnog postupka u smislu odredbe člana 102. stav 6. Zakon o stečaju.

Dakle, na osnovu izvedenih dokaza tokom postupka utvrđeno je da je prijedlog za pokretanje stečajnog postupka dopušten, zbog nesolventnosti i nelikvidnosti dužnika postoji stečajni razlog, a iz uplaćenih sredstava na ime finansiranja troškova prethodnog postupka od strane predlagača kao i naknadno uplaćenih sredstava za finansiranje troškova stečajnog postupka po rješenju ovog suda od 27.10.2021. godine uplaćenih od strane Raiffeisen bank dd BiH, može se finansirati stečajni postupak. Na osnovu navedenog ispunjeni su uslovi za otvaranje stečajnog postupka nad imovinom dužnika.

Sud je temeljem odredbe čl. 102. stav 4. a u vezi sa čl. 6. Zakona o stečaju odlučio kao u izreci rješenja.

Odluku o imenovanju stečajnog upravnika, sud je donio temeljem odredbe člana 104. stav 2. tačka b. . Zakona o stečaju, a nakon što je utvrdio da isti ispunjava uslove utvrđene odredbom člana 71. Zakona o stečaju.

Sud je, odluku o određivanju ročišta za ispitivanje prijavljenih potraživanja i izvještajnog ročišta, donio temeljem člana 106 Zakona o stečaju.

Odluku o objavljivanju otvaranja stečajnog postupka, sud je donio temeljem člana 105. stav 1. Zakona o stečaju.

Temeljem odredbe člana 105. Zakona o stečaju, sud je uputio odgovarajuće pozive povjericima i dužnicima stečajnog dužnika.

Upis otvaranja stečajnog postupka u javne registre određen je temeljem odredbe člana 108. stav 1. tačka a. Zakona o stečaju.

STEČAJNISUDIJA

Ilvana Delić

POUKA O PRAVNOM LIJEKU:

Protiv ovog rješenja žalbu može uložiti stečajni dužnik.

Žalba se podnosi Kantonalnom sudu u Tuzli, putem ovog suda u tri primjerka u roku od 8 dana po proteku 5 radni dana od dana objave rješenja u Sl. novinama F BiH.

Žalba iz prethodnog stava ne odlaže izvršenje rješenja.